

Kiam falis la TUROJ de NOV-JORKO (11 / 09 / 2001)

Karaj legantoj Vi eble miros, ke ni aperigas artikolon pri ege polemika temo: la falo de la turoj en Nov-Jorko, la 9an de septembro 2001 en la "MKC" Monda Komerca Centro (World Trade Center). Trankviliĝu, ni ne estas adeptoj de la tiel nomata "Teorio de la konspirado". Sed, neniel kontraŭdire, tiu evento rilatas al la konstruado, ĉu ne? Usonaj inĝenieroj de la konstruado starigis multajn teknikajn demandojn pri la kaŭzoj de tiom rapidegaj faloj. Ili ankaŭ memorigas al la publiko, ke falis ne du, sed tri turoj (mi vidis la 3an propra-okule ĉe televido) Ni proponas al vi legi ilian tekston (tradukitan el la angla far brita esperantisto, laboranta en inĝeniera konstru-oficejo) Legi alies opinion estas necese por fari al si propran opinion.

911-Vero: *La Mondo Pretas!* *Jam tempo estas paroli pri ĝi*

- Kial 2 300 arkitektoj kaj inĝenieroj mondscale postulas novan 911-enketon pri la Monda Komerca Centro?
- Kial falis 3a turo, Konstruaĵo 7? kaj ... en libera falo?
- Kial troviĝis nanotermoto en la polvo-samploj de MKC?
- Kial polviĝis 163 000 tunoj da betono supre?
- Kial centoj da atestantoj raportis eksplodojn?
- Kial la amaskomunikiloj cenzuras tiujn demandojn?

La jaroj – kaj la pasioj- jam pasis. Estas tempo por historiaj serĉoj, bazitaj sur faktoj kaj leĝoj de la Fiziiko. .

Pli ol 2000 arkitektoj kaj inĝenieroj, precipe usonaj, vokas por nova esploro, aŭtenta kaj sendependa, .

Sen-cenzura kopio de la dokumento disdonita dum la UK en Lille en 2015

7

MCK

Monda Komerca Centro Konstruaĵo 7:
Tiu 47-etaĝa nubskrapilo, tute ne trafita de flugmaŝino, estis la tria turo detruita la 11an de septembro.

0 seconds



2 seconds



3 seconds



La detruo de MKC 7 havas ĉiujn karakterizojn de REGATA MALKONSTRUO per eksplodaĵoj:

- La konstruaĵo falas preskaŭ simetrie rekte malsupren en malpli ol 7 sekundoj – kaj estas **liberfala akcelo** por 8 etaĝoj – kiel agnoskas la Nacia Instituto de Normoj kaj Tehnologio (NIST).
- La tuta konstruaĵo-maso falas unuforme **tra la estinta pado de plej granda rezisto**. Por tio necesas preciza tempumado, koheran forigon de kernaj kolonoj.

La strukturo de granda, fajrorezista ŝtalframa konstruaĵo ne povas esti entute detruita per **IZOLAJ POŜOJ DA FAJRO**, nek per 'protemperatura ekspansio', kiel asertis NIST.

Unuopa loka rompo, kia la delokigita metaltrabo de NIST, ne povus esti kaŭzinta la sisteman kaj totalan **ROMPON DE 400 ALIAJ STRUKTURAJ ŜTAL-KUNIĜOJ SEKUNDE**.

Multnombraj incidentoj kaj registritaj deklaroj malkaŝas **ANTAŬSCION**. Tiuj inkluzivas retronombrodon, avertojn, kaj anoncojn kaj de CNN kaj de BBC pri la 'kolapso' ... antaŭ ol ĝi eĉ okazis!

Pruvaĵo Ekskludita de la unua Raporto de NIST

- 1 La plimulto de la konstruado finiĝis en tiu ĉi kompakta staplo – centrigita ene de la origina bazareo.
- 2 La 47-etaĝa ŝtalframa strukturo estis disigita kaj reduktita al malgranda staplo nur kelkajn etaĝojn alta – kun preskaŭ kompleta detruo – nemiskomprenblaj signoj de regata malkonstruo per eksplodaĵoj.
- 3 Ege altaj temperaturoj – multe pli altaj ol tiuj de normalaj oficejaj fajroj – persistis dum semajnoj en la staplo, kiel indikis diversaj fontoj (ekz. infraruĝaj bildoj de MTI, Earth Data kaj NASA).



- 4 La Federacia Krizokaza Mastruma Agentejo (FEMA) dokumentis en Apendaĵo C de sia raporto, "severan alt-temperaturan korod-atakon al la ŝtalo" – sulfuro kaj fandiĝinta fero penetris la ŝtalon. Oficejaj aŭ jettuelaj fajroj ne povas doni klarigon de tio. Aliaj esploroj malkaŝis la signomarkojn de termito, kiu kreas fandiĝintan feron.
- 5 Raporto de FEMA de majo, 2002, agnoskis, ke ties hipotezo havis nur "malaltan probablon de okazo", kaj ke "plua esploro kaj analizo bezonatas". Jam tiutempe tamen preskaŭ la tuta de la ŝtalo de MKC 7 – mem pruvo de la krim-scenejo – jam estis kontraŭleĝe forigita kaj detruita.



Arĥitektoj kaj Inĝenieroj por la vero de la 11a /09 /2001 (AE911 Truth)

Ĝemelaj Turoj de MKC

La detruo de MKC 1 kaj 2 montras tipajn karakterizojn de regata malkonstruo, distingajn karakterizojn de potencaj eksplodaĵoj, kaj pruvojn de la uzo de termito.

- 1 La struktura ŝtal-framo sube estus haltiginta ajnan kolapson desupre, sed la detrua zono ne nur daŭris simetrie malsupren; ĝi eĉ akcelis konstante tra la estinta pado de plej granda rezisto – 4000 pezaĵoj kolonoj de ŝtalo.
- 2 Rapidega ekdetruigo.
- 3 Eksplodpremaj frontefikoj: multtunaj ŝtal-sekcioj elĵetitaj horizontale – ĝis 180 metrojn for je 80 km hore.
- 4 Mez-aera polvigo de 163 000 metraj tunoj da betono. Mankis ankaŭ grandaj volumoj da metala ferdekaĵo, plankaj trusoj kaj kunpremitaj plankoj.
- 5 Masivaj volumoj da rapide ekspansiantaj piroklasto-similaj nuboj.
- 6 Izola altrapidaj elĵetoj, indikantaj eksplodaĵojn, videblaj ĝis 60 etaĝojn sub la progresanta detru-zono.
- 7 Kompleta detruo de la konstruaĵoj, inkluzive de frakaso de preskaŭ ĉiuj strukturaj framoj.
- 8 Pruvojo por ege altaj temperaturoj (1530°C) antaŭ, dum kaj post la detruo.
- 9 Pruvojo de termito trovita en antaŭe fandiĝinta metalo, polvo kaj ŝtalo de MKC.
- 10 Komplexaj energihavaj kunmet-materialo malkovrita kaj dokumentita en la polvosamplaj de MKC.
- 11 Pli ol cent unuaj helpantoj raportis eksplodojn kaj lumfulmojn.
- 12 Neniu precedenco por nubsrapila kolapso pro fajro.



Pezaj pecoj de struktura ŝtalo estis elĵetitaj horizontale, el kiuj multaj postlasis rapide pligrandigantajn spurojn de polvo kaj fumo – geometrio kaŭzita de eksplodaĵoj, ne gravita kolapso.


La Vero estas en la Pruvojo



La fajroservo FDNY kaj aliaj trovis plurajn tunojn da "fandiĝinta ŝtalo ... fluantajn kiel lafo" en la ruinaĵoj. Oficejaj fajroj de 760°C ne povas produkti fandiĝintan ŝtalon/feron de 1530+°C. Tion povas fari termitaj incendioj.



Mikrosferoj formitaj de la fandiĝinta fero kaj aliaj elementoj estis trovitaj en polvo de MKC de USGS kaj RJ Lee Group, EPA, kaj sendependaj sciencistoj. Termitaj reagoj klarigas la ĉieajn sferojn.



Polvosamplaj de MKC enhavas malgrandajn erojn de altenergiaj nanotermitaj kunmetaĵaj materialoj unuforme nano-grandaj, kun taŭgaj proporcioj, kaj enkuŝigintaj en organika matrico kun gas-generaj proprecoj.

"AE911 Truth" estas asocio, ne profitcela, senpartia, de arkitektoj, inĝenieroj kaj rilataj profesiuloj dediĉitaj al malkaŝo de la malveroj kaj malkaŝaj veroj pri la detruo de la 3 turoj de la Monda Komerca Centro en 2001-09-11. Ili invitas vin informiĝi. Tiuce ili disdonis koloran flugfolion 4 paĝan ĉe la enirejo de la Monda Kongreso en Lille fine de julio 2015.

Kial indas reekzameni la detruon de la Monda Komerca Centro?

Neniam okazis deca esploro pri la okazintaĵoj. NIST kaj FEMA* ekskluzivis kernajn sciencajn pruvojn, kiel priskribite ĉi-supre. :

"Loka rompiĝo en ŝtal-frama konstruaĵo kia MKC7 [la 3a turo] ne povas kaŭzi katastrofan kolapson, kvazaŭ strukturo de ludkartoj, je liber-fala akcelo, sen samtempa kaj kohera perdo de pluraj el siaj kolonoj en kernaj lokoj ene de la konstruaĵo" Kamal OBEID Struktura inĝeniero.

* NIST: Nacia Instituto de Normoj kaj Tehnologio

* FEMA: Federacia Krizokaza Mastruma Agentejo.

Noto de la redaktinto: Ni membroj de TAKE, legantoj de la revuo, interesiĝas pri konstruaj temoj. Kun la necesa prudento, ni pensis, ke estas necese doni plurajn vidpunktojn por havigi al si propran opinion. Estas klare, ke la afero de la Nov-Jorkaj Turoj lasis senton de dubo.

